



# SPIN-R

## 幫機械表鬆骨 自動上鏈表盒

咪將焦點放晒落隻 ROLEX DEEPSEA 先，我都知係亮點，但今次主角係呢個啞黑表盒，由 SPIN-R 出品，手表自動上鏈器。玩得貴表，想保值，就要識保養。自動表同汽車引擎一樣，要經常行先會保持操作暢順，自動表一唔戴，長久停止運行，就會因為表油沉澱而搞到機芯功能劣化。所以唔戴時要幫隻表鬆骨，就要放入呢個 SPIN-R 自動上鏈表盒。操作好簡單，將手表套入支撐架，放入去再設定每日轉動圈數，同順時針或逆時針方向轉動，就已經完成。每日轉動圈數由650至1,800，因應各表廠而設定轉動規格。

SPIN-R 有另一個窩心位設計，就係有內置鋰電池，又電後可運作1個月，好處係你都知表貴起上嚟可以過百萬，唔係放入夾萬就係保險箱，咁就可以連表盒擺放1個月，兼保持運行正常，SPIN-R 主要功能，正是如此，就係咁簡單。🔋

1. 如果放 ROLEX，每日轉動圈數校到900就最適合，呢個圈數亦係大部分表廠建議設定。
2. 表盒得5個掣，上下控制圈數，左右控制順逆時針轉向，去得就揸「OK」。
3. 貴表都有分男女裝，所以提供2個大小表架，窩心位。
4. 又電唔使1個鐘，內置鋰電就已經可以推動表盒1個月，耗電量超低。

\$1,888

設計廊 Design Gallery 灣仔港灣道1號香港會議展覽中心地下 2988 6588